





抽史序

大凡立論者吉凶與民同患始不
累神明之德何也矯其所異者多
自立于憂患之外曾未設身處地
故不顧是非得失逞其說無可逞
而後止立論彌高其識彌下德非

不神明也。可以英雄欺人。自汝暗焉。亦所甘也。生死之際。有同患焉。是非得失之故。不敢致。古人皆成死局。而使我之論。獨有生氣也。病中抽史。所以精于論也。史有三長。識似居要。橫才絕學。而或匠心以

逞爲識者所笑。語曰。文士多史才。
少正以寡識也。不獨寡識。不與神。
明之德同相照。亦未與民同吉凶。
也。彼資治通鑑成。而讀者未終一。
紙。已欠伸思睡。况今之人好語吉。
凶。而自以爲無患者乎。漢人七發。

謂煩屯之疾可要言妙道說而去
也亦吉凶同患之言也

仙臞何偉然題

廣快書卷二十六

西湖何偉然仙臞纂

延陵吳從先寧野訂

病中抽史

鄧子垣元本

附反絕交論

宣王欲殺杜伯。左儒爭之。不許。儒曰。君道友逆。則順君以誅友。友道君逆。則順友以違君。此言非也。君與友可較曲直乎哉。至曰。臣能明君之過。以正杜伯之無罪。則尤對矣。爲左儒者當云。

臣非敢蔽友也。以伯無罪而王誅之。懼傷明主之義。故爲友正。所以爲君也。庶幾王悟而原杜伯乎。

莊子曰。人固可與微言乎。魏文侯問相於李克。對曰。居視其所親。富視其所與。達視其所舉。窮視其所不爲。貪視其所不取。五者足以定相。此所謂微言之者也。使後人處此。卽此語必恐致恨於翟璜。庸敢顯言相魏成乎。然克之面折璜。

政爲文侯服其心也。倘非有翟璜之能屈。且當柰何。吾以爲直吐告君之語。使歸而自思之。不隱言。不存迹。其亦庶乎其可也。

趙將趙括而敗。漢將李陵而降。然括讀父書。陵有祖風。使兩人當年不用。必有爲之冤者。

昔趙廣起事。曰。王侯將相寧有種乎。始淮陰侯亡漢而東。固不知其意欲以何爲也。一自追還。而竟爲走狗以死。乃不悔受蕭何之誤。而悔不。

用○蒯○徹○之○言○然○信○之○死○兆○於○王○齊○齊○故○酈○生○所○
下○也○攘○其○功○而○趣○其○死○爲○此○計○者○先○誤○信○矣○高○
帝○之○定○天○下○以○取○陳○留○得○入○關○中○以○據○敖○倉○得○
制○項○籍○皆○良○平○所○不○及○而○酈○生○發○之○其○功○甚○大○
信○顧○忍○置○之○死○生○死○而○信○又○王○幽○冥○之○中○實○負○
此○人○理○固○應○死○信○又○不○悔○用○徹○之○言○而○悔○不○用○
徹○之○言○何○也○

黃老之術大抵不爲物先如子房事漢祖因樊

噲諫。始勸去秦宮。因欲捐關以東。始策用三人。因問沙中偶語。始請封雍齒。因婁敬說始。贊都關中。因呂后劫始。計未四皓。俱用此意。人皆知雍齒尚封。則紀信愈當封。竟不知丁公既斬。則項伯尤可斬。

高祖初入關。與民約法三章。既盡除秦苛禁矣。及觀孝惠四年。除挾書律。孝文元年。除收孥相坐律。其二年。除誹謗妖言法。此豈非始之所除。

而定律者更入之乎。惠文固寬仁之主。然惠時
爲政者。曹參也。卽一事微觀參。不得守蕭何之
法。明矣。

人皆信子房始終爲韓。以吾觀之。亦以此示義
於天下。與高帝之爲義帝發喪等耳。觀酈生觀
復立六國後。子房遽止之。時韓豈遂無復人。蓋
是時天下事大定。韓雖立而終不可爲英雄欺
人。亦至此而微露矣。

賈生亦何必爲公卿。只爲太子家令足矣。

鼂錯能知吳楚之決反。而不能任討反之責。故袁盎得而譖殺之。然曰斬錯以謝七國。兵可無血刃而罷。何言之易耶。設不罷不當斬盎以謝錯乎。盎之不顧其後。殆甚於錯。

武帝之思太子。非但以一時之冤。直是悟起從前病根。蓋木人度厄。卽祀竈求神之濫觴也。所以千秋言入。而方士盡罷。

昔人言以孝宣之明。魏丙爲相。于定國爲廷尉。而趙蓋韓楊之死。俱不厭衆心。夫蓋司隸自裁。非成獄也。余考當時。稱張釋之爲廷尉。天下無冤民。于定國爲廷尉。民自以不冤。然釋之能持法以爭。犯蹕盜環之罪。而定國不能持法以辨三臣之冤。夫非事威主者。難爲守乎。趙蓋之死。相爲攻。相故嚴刻人也。無所望之。楊光祿後吉死而死。責不及吉。若韓馮翊之死。豈亦如道路。

死傷識大體者固不問乎。

卷武微時喜耕稼。伯升比于高祖兄仲。常非笑之。至舂陵子弟。目之以謹厚。宗室諸婦稱之以柔直。帝之大概似盡此矣。及觀湖陽公主言文叔爲白衣時。藏亡匿叛。吏不敢至門。則是天下大俠無如帝者。惟其深慮密謀。盡歛英雄之氣。令人不測。所以卒成大業。與不然。直伯升之續耳。

高祖爲義帝發喪。然。祖。上。則。願。分。羹。世。祖。不。爲。
伯。升。成。服。然。枕。邊。不。禁。流。涕。雖。同。是。外。詐。而。中。
情。迥。異。

馬伏波以薏苡被讒。固可深恨。然就使爲將。萬。
里征夷。私得外寶。亦有何罪。當時無有能爲之。
辨。何也。

鄧騭惡虞詡。使長朝歌。梁冀惡張綱。使守廣陵。
後詡卒。平甯季。綱卒。降張嬰。害之。反成之矣。然。

亦是二寇伎倆有盡。後世權奸不更將以三科罪。詎通盜論綱者幾希矣。

史稱黃憲十四。荀淑遇之逆旅。揖語移日。謂憲曰。子吾之師表也。初不載淑年。意謂淑必長者。及考之。止六歲耳。

荀彧勸操定河濟。謂是將軍之關中河內。明以高光待操也。勸操逼帝遷許都。明以義帝視天子也。至勸操忍袁紹。輒曰劉項。又明以劉氏子。

曹也。更何爭。一九錫而云愛人以德乎。當由是時。操已有殺彧意。而彧計取名以死耳。子瞻美之。伯夷。彧能受否乎。

三國時。幾人稱寡。幾人道孤。然以視劉虞。卽先主亦下一等矣。猛士如雲。謀臣如雨。然以視龐德。公司馬德操。卽卧龍亦輸一着矣。

司馬之篡。成於賈充。及其內亂。竟由充女。

世皆嗤王夷甫爲清談。而營三窟。不知清談卽

晉人之三窟也。彼諸人見晉政無章。而迹懲詞黨之禍。故詭而匿之。以清談自謂藏身甚固。然而竟以毒世。且多自中毒者。

王敦欲殺周顗。戴淵以問導。導不答。設更有他問。想當亦不答而已。全領一時。逃誅千古。幸矣哉。

桓溫晚年入朝。近死之魄。原自無能爲。其陳兵衛。不過以虛聲喝朝廷。而且聊以自固。謝太傳

所窺破也。顧休王坦之曰。晉祚存亡。決於此行。而世說至云。憚安曠遠。遂趣解兵。真小兒語。倘溫果有篡意。而可以區區談笑。折其謀耶。

秦兵入寇。晉將相猶圍棋賭墅。此與隋師臨江。而陳君臣尚縱酒賦詩者。何異小兒輩徼天之幸。而豎儒便謂晉有勝筭。神安石而怯桓冲。不亦悲夫。

唐高立武氏。議者謂遂良宜諫之早。固也。然魏

徵事太宗言無不盡而於巢刺王妃事僅僅諍於將立爲后之時。又何以魏徵爲哉。

太宗玄宗之禪實逼取之也。至肅宗之靈武固非得已。而豎儒輒冒以篡名。夫流離播遷之際。天子何樂而急攘之乎。又謂諸臣圖富貴急亦非也。苟輔太子以平禍亂。富貴亦不失。惟是唐之太子從來不足以爲據。非定位號則無以繫人心。且以太子總征伐。進止須請之。蜀中昏憤。

之玄宗天下恨之久矣。請肯用命而爲之恢復。故爾時太子旣不得留。自不得不帝。况又有傳位之命乎哉。

人臣以死命博功名。誠可悲憐者也。爲之君者。用其力而不能保其身。忍乎哉。郭份陽之忠貞。天性固然。然僕固懷恩。李懷光。其初心豈欲反耶。信不及人。以致勲臣顛越。代宗之自責。猶愈於德宗矣。李光弼不死。亦終必反。無疑。李晟馬。

燧不反。微鄴侯亦難免於德宗之世耳。
從古婦人淫亂者多矣。未有與胡兒溺如楊妃
子者也。從古宦官矯貴者多矣。未有升國子座
如魚朝恩者也。

李鄴侯在至德中求去。曰。臣有五不可留。臣遇
陛下太早。陛下任臣太重。寵臣太深。是固然矣。
至曰。臣功太高。迹太奇。此語頗似滑稽而不可
曉。豈自負其帷幄運籌。發縱指示。克復兩京多

其力耶。吾以爲其所謂高且奇者。尚未敢言政。於此時望肅宗成之耳。於是始言及建寧以保全廣平。爲誦黃臺瓜辭。以感動上意。而安儲之功。收於一榻矣。迨貞元中。復詳述斯事。以全順宗。又陸宣公所不敢道者。卽此二事。必有大功於唐。比於留侯事。半而功倍之矣。

李日月爲朱泚將。將軍高重捷與戰於梁山。乘隙逐北。爲伏兵所淹。斬首而去。德宗哭之。結蒲

爲首以葬之。朱泚見其首亦哭之曰：忠臣也。結蒲爲身以葬之。日月亦戰死城下。歸其屍。母不哭也。罵曰：國家何負於女。而反死已晚矣。嗚呼。豈朱泚之身不反。而日月之母不慈哉。

馬燧與李抱貞有隙。而單騎造其壘。遂釋兵交。懽與拒王武俊。李抱貞與王武俊相疑。而數騎詣其營。遂約爲兄弟。共擊朱滔。抱貞之事應祖。馬燧。馬燧之好成於李晟。

德宗以淮西反。故徵涇原兵。乃令言一來。朱泚遂帝。朱泚未滅。懷光繼反。竭李晟諸軍之力。僅復西京。平河中。而淮西之事。置不復言。譬如以藥攻病。而反得奇病。後來用藥。但解藥毒而已。然猶幸不爲漢獻之世也。

德宗以一食飯失士心。而朱泚稱帝。以一紙詔得人心。而王武俊李納田悅不稱王。

晉杜預。唐韋臯。俱名臣。而一則數遣朝貴。一則

日進天子。

牛僧孺。皇甫湜。李宗閔。對策俱能極言時政。尚
仕宦不顯。必與劉蕡同傳矣。

李德裕請納維州。而牛僧孺以信却之。實大可
異。羊祜之於吳。戍嘗以信懷之矣。然規取江南
者。卽祜也。祖逖之於趙。虜亦以信御之矣。然志
清中原者。卽逖也。甘陳奮略於郅支。班超伸威
於鄯善。烈士尚猶偉之。况復土非開邊之。釁受。

降○無○生○事○之○名○惡○有○棄○祖○宗○之○地○以○求○信○於○夷○
狄○者○且○受○維○州○唐○之○利○而○非○德○裕○之○利○也○斯○時○
苟○以○維○州○委○悉○怛○謀○而○以○悉○怛○謀○委○德○裕○吐○蕃○
入○寇○德○裕○請○兵○吾○知○制○可○否○者○僧○孺○詔○進○止○者○
僧○孺○議○功○罪○者○僧○孺○則○德○裕○之○爲○德○裕○難○矣○然○
德○裕○惟○其○力○足○以○辦○此○事○故○先○遣○兵○據○之○而○不○
疑○也○僧○孺○之○沮○謂○非○明○知○德○裕○之○能○任○此○而○害○
其○功○乎○至○德○裕○相○而○追○論○維○州○卽○不○欲○脩○郤○自○

不能已。

問侯景以河南降。梁受之。而議者咎其基禍。悉
怛謀以維州降。唐不受。而議者譏其失策。豈非
皆事後論人乎。曰。使以李德裕。侯景未
必能反。

史稱杜悰勸宗閔。用德裕爲御史大夫。以釋怨。
悰往告。德裕驚喜泣下。頗以桓溫欲用殷浩爲
尚書令。而浩欣然作書者。胡氏以爲李公豪邁。

無是事。而惊黨宗閔。故爲此語以陋之。予謂德裕或有之。效郭汾陽之待魚朝恩。李西平之交張延賞。未可知也。

唐之藩鎮。是安史之餘孽。而僕固懷恩之基禍也。然微是。藩鎮必不免。從天寶元年置十節度。使以備邊。此亂之所由生也。祿山其始作偏。而反以戒後人者乎。由肅代而降。終唐之世。唐不能。有以大創藩鎮。然亦終唐之世。而藩鎮不能。

有以大禍唐使懷恩朱泚懷光之時。藩鎮中有如三國者數人。號吼其間。天下非唐有也。顧猶然實叛而名臣也。憲武二宗稍稍以法繩之。猶能擒元濟。伏兩河。戮劉稹。威三鎮也。卒之唐祚盡而起而蹙之者。乃不階尺土之仙芝。巢溫而藩鎮無與也。此無他。據非有常。惴惴焉有不自安之意。而又上仰於監軍。下假諸偏裨。以爲陳乞之地。主帥固亦無權。所志在於留後。輕一舉

動。恐併其故穴而失之。此其所以閱百餘年而
不能爲大患也。吾於是而信封建之猶可行也。
藩鎮之起。失策於上。元命郭汾陽定河北而不
果行。藩鎮之成。濫觴於大曆。視諸藩將擁強兵
而不敢問。自建中以後。無能爲矣。

澶州之變。諸將加郭威身者。裂黃旗耳。至陳橋
遂有袍矣。此事可謂青出於藍。

昔竇太后嘗爲景帝言。千秋萬歲後。傳梁王位。

竇嬰面折以爲不可。宋杜太后遺言以兄終弟及。與竇何異。然太祖受之。趙普且從而識之。後事太宗而曰先帝誤也。然由後視之。則誤而爾時不誤也。五代事太祖歷歷見之。以帝王爲戲久矣。曆未有幾二十世。未有終三君。在位未有周一紀。蓋得之者至易。而據之者甚危。宋氏之啓運甫閱朞年。而天下之爲國者六。爲鎮者二。昭義淮南之兵雖戢。而其餘尚未可知。翊戴勲

臣宿重兵輦下。固人人點檢。未暇從容置酒而
去之也。太祖豈遽知其祚有三百二十年之長。
且位有十七年之久。設不幸而未幾厭世。貽其
子以虛名。立見其爲宗訓也。邈佶烈可以嗣李。
柴氏可以嗣郭。使弟得之不猶愈於使子失之
乎。且太祖之謀周鼎。必不待宗訓之立。當及世
宗之存。覩其襁褓之子。利其身速斃而手取之。
此昭憲所謂吾兒素有大志者也。臨終之命。決

非獨由昭憲之意。必太祖嘗爲此憲成之故。旣同普受之。而又颺言於衆曰。晉王龍行虎步。異日必爲太平天子。政所以陰消窺伺之隙。於衆心未固之時。至於天下已安。德昭已長。而更稱亂命。太祖固不忍也。爲太宗者。不爲餘祭。其可不爲宋穆乎。要之太祖得天下。太宗與普謀居多。吾疑無昭憲之命。普心必欲奉太宗耳。謂王旦喜得美珠耶。此決不然。當由會上意難。

辭耳。吾以爲此極不難。當急進劄子云。臣伏蒙
陛下以尊酒賜臣。歸而發之。乃珠也。臣恐左右
誤持。以及臣。異時陛下若詰問此珠。不知所對。
必有受其責者。又恐在廷知之。且疑陛下有私
於臣。臣惶悚不敢冒領。謹捧原尊上進。兼請誤
發之罪。

呂夷簡廢郭后。逐孔輔道。抑范仲淹。傾富弼。人
知惡之。至於勸厚葬宸妃。人多以爲得體。夫爲

人母至死而其子猶不知有是理耶。首相不言。誰當言耶。彼惟恐傷劉氏。故不敢言耳。不知爲劉氏計。政須明以告帝。使盡人子之心。帝非劉氏不立。旣立其身。而又崇其母。帝必愈親劉氏矣。他日不加罪於劉氏。亦因立已。非專爲厚葬也。生帝者李。立帝者劉。又豈待死而後言之。一正位固當言之矣。不告人主之親。使盡孝而托自全之計。以爲忠。雖曰不奸。吾不信也。

元豐間。吾取二臣焉。曰程顥。曰鮮于侁。顥之言曰。新法之行。吾黨激成。真大臣之用心也。雖司馬光之抗辨不及也。侁之言曰。新苗之法。願取則與。真小臣之盡心也。雖鄭俠之會圖弗如也。宋氏之興。本非有鐵馬金戈之烈也。不過祖郭威故智。穿窬周鼎。其於赤縣。猶彈丸耳。已又懲前之敝。易置鎮帥。以弱其兵。然十七年間。猶用曹彬。潘美諸人之力。取澤潞。平淮南。荆蜀。漢唐。

以次底定一殿帥至此意滿極矣。太宗繼之。羈吳越。剪太原。乘太原之勝。稍以其身嘗契丹。不利。再嘗之。復不利。至曹彬李重進等敗岐溝。斷謂自今不作此事。而反覆之西夏。駸駸生事。於時李昉宋琪王禹偁之徒。莫不以修好爲言。此宋家天下之定局也。景德中契丹來。而寇準之長慮不行。慶曆中元昊橫。而韓范之經畧不展。自是西牽北結。士大夫無有口言兵字者。神宗

任安石銳意用兵。而遼使爭疆。反奉以地。蓋終
遼之世。宋未有絲毫難遼者。而顧藉手方張之
女直。以收久棄之燕雲。縱不先自負約。其肯終
予我乎。

神宗嘗恨漢文不能立法更制。所以堅用安石。
然神宗之質。劣於漢文。安石之術。僻於賈誼。宋
家之勢。弱於西京。熙豐舉措。宜其敗也。

炎紹間。爲相者止一李綱能辦事。次則趙鼎。猶

爲彼善而不可以扶無用之君。至於呂頤浩、張浚、直與黃潛善、汪伯彥、秦檜一流人耳。頤浩懦夫，斤斤挾天子泛海避兵，無足責也。浚不主和議，爲恢復大言，而黨潛善，抑李綱，殺曲端，忌岳飛，心術如此，而又隨用隨敗，以痼南遷之命脉，其罪浮於王導，何待言哉！而議者猶或以其子故貫之，何耶？

宋興以來，氣脉柔軟，鬱二百年，剛勁之氣發於

諸將以爲轉弱爲強之機。意謂趁此收拾山河。重加整頓。規模可勝於前。而一庸主坐掣之。所謂鉗鳥獲之臂非耶。

宋世苦遼患。假女直手以忘遼。而才得燕雲。遽思平州。後又苦金患。假蒙古手以亡金。而方得河南。遂謀三京。坐使敵人窺破。伎倆不亡何待。汪立信之策不行。雖百世傑。如天祥亦無存理。

反絕交論

一時安隱居士。及其同人。論交於無相與之地。而聞者送難焉。曰。交胡以論爲也。不睹夫朱公叔劉孝標之所先後爲論乎。若之何其今日而論交也。居士急反之曰。子真以有激之論爲可。以訓乎哉。彼一悵低昂於宗伯。一悲淪謝於任子。夫其醜時俗之詭合。所以志真人之玄契也。而鄙夫耳之。遽謂豺虎靡投。太行艱陟。等鶴鳴於蟻集。齊遷喬於聚萍。不亦瞽夫聞之隴地震。

而龍機發。其氣噓也。車鐸厲而黃鍾出。其聲協也。孤劍躍而雙龍合。其精結也。風雲何態。乃能隨倡以隨從。麋鹿無知。蓋亦或羣而或友。况乃取形乎大造。儼然肖貌於斯人。疇云太上以忘情。孰恃陽春而却和。且夫帝王不友。則喜起不載於隆朝。卿相不友。則吐握靡聞於上聖。將帥不友。則燕喜乏孝友之佐。長吏不友。則絃歌罕入室之賓。以至章縫之士。志氣之交。或始約以

終通亦歷生而而閔死。淡喻水而不厭堅並金而彌厲。厥惟天合。庸可訾與。予其置曩昔之五流。而列吾徒之素資也。由來志士之需知不異。芳容之待悅。或負俗之多累。或含英而未彰。俟青繩其作弔。恨恨何言。持白壁以要刑。悠悠誰賞。倘能瑩鑑象表。摸神暗中。望寶氣於塵函。擷蘭芬於叢棘。此孺子所以荷諸公之遇。朱生所以佩知己之言。雖復地睽千里。難羈如結之心。

形散百年不盡相期之誼其交曰激吾取一焉
橫襟千古藉揚屹於披帷努志四方需頡頏於
方駕若奏雲英撫孤音其奚屬譬支大厦仗一
木以何勝是以魯鐸振於多英騶辨沸於寡喙
有若聖軌賢轍聚首而印生平伊志周才比肩
而籌當世迴學海之狂瀾津梁攸係起神州之
沉陸舟楫斯存斯則否泰可以不窮其流因之
靡悔其交曰翼吾取二焉石劖玉以爲圭損而

之益火守金而從革銷乃爲成大人準義惟繩。君子愛人曰德。彼色燦玄黃人昧素絲之質而亡均臧穀誰知博塞之非爰有燭照旁觀司南當局懷安敗謀則策以白駒之迅駛利衰易慮則動其青史之悲涼安有求端曲影去白日之昭昭願與清流憚谷風之習習其交曰礪吾取三焉山不厭高分豈絕於微壤蘿能附物蔓乃接乎長霄人才半出於齒牙物望多生於毛羽。

是故狂簡可裁。應耻糠粃之先達。風流不墜。肯遺珠玉。以誰收。文舉聖人之裔。尚自登司。隸之龍門。青蓮文士之豪。猶欣附荆州之驥尾。况遇幼聰之孔覲。玄暉寧惜其獎成。更逢下坐之世遊。林宗何嫌於拔異。其交曰挈。吾取四焉。考槃在澗。固獨寤以猶寬。空谷無人。亦聞聲而自喜。蓋戚嘯怡歌。言願無抒其浩嘆。而臨池染翰。亦圖相賞於奇文。對飲止于明月。恐貽猿鶴哀號。

開軒但有清風。終覺烟蘿岑閬。是以南村野老。
樂朝夕於素心。東臯逸民契典刑乎。無語癖似。
元卿。時爲剪蒿於二仲。傲如中散。不辭把臂乎。
六賢。其交曰晤吾取五焉。要之偃蹇。固志戒其。
太孤。包括又道窮於太廣。故浮漚乍集。本自非。
緣。而幻影空縻。翻成多事。假令無故以合。因非。
可親。將欲棄捐中道。何以自解於成言。若終覆。
護匪人。必重負慚於名教。如是者交難不曰矜。

乎。流而不靡。流晶易別。似鵠之羣鳥。情質多蒙。
額珠之鄰礫。吠聲皆是。具目斯難。葉公好匪真。
龍。楚客珍其野雉。苟識遜羊公。寧料亂階之夷。
甫。而賢如永叔。猶迷執拗之臨川。如是者交難。
不曰擇乎微而不昧。膠投於膝。或因螭敗其堅。
齒覆於唇。亦且蛙撓其固。妍醜原由於心造。嚴
溫每變於境移。萬一肝膽自異。徒爲識者之嗤。
不然。萋菲中來。反快旁人之忌。如是者交難。不

曰敬乎久而不渝。嗚呼。人固不可無交士。亦各
云有志。揆諸往義。折以私衷。若夫齊文楚歇。建
高勢而走賓。從翁伯季良。用布衣而傾郡國。彼
無耻而嗜飲食。偃僂七貴之家。抑負氣而結輕
肥。蹀躞五陵之道。茲匪屠沽負販。必爲狗盜雞
鳴。詎以俠遊。班吾儒雅。卽如邯鄲賣漿。具有深
情。燕市悲歌。故饒奇致。侯子義輕乎一死。楚人
諾重於千金。僅足兼羅靡關至極。又若別白過

峻則美好先冒乎不祥。崇尚滋偏則風聲卒敝。
於難繼。量貴師乎川澤堤。必厯於江河名節豈。
喪邦之具。黨釁起而灰炎清淨本。致治之原玄。
言流而失馬。非薄彼而不屑。姑於是乎舍旃。惟。
是攬駿標於青眼。超塵態於黃金。韻叶則蕙馥。
於薰風。懷散則冰開於融日。于以釋形骸之穢。
托骨肉之親。自分九泉之下。未肯奄奄。安有七。
尺之軀。長甘寂寂。學不爲人。豈作彈冠之徑身。

非屬我無煩刎頸之名。至於師寬商福。各隨針芥之投。石削牙絃。總任蓋函之合。不愧古人。定惟吾黨。惡可因蘇暴而諱姬呂。以張陳而誣管鮑哉。予故摘蔓衍之辭。昭微尚於諸子。俾公叔赧顏乎作俑。孝標愧汗於續貂。庶交情不廢於世焉爾。

抄

卷二十六

四







